

Il timp c' al farà ué.

Bon timp fat di gnot
se al dure un' ore al dure trop,
e chel che al si fâs di misdì
al dure dut il dì.

Ploe di misdì — ploe dut il dì.

Ròs la sere — bon timp si spere,
ròs la matine — la ploe jé vicine.

Il cil l'è dut a lane :
la ploe no jé lontane.

Cil a piorelis — ploe a selis.

Nûl a s'cialîns — ploe a slavîns.

Nûl a balóns — ploe a bleóns.

Quan' che al plûf e al è soreli
'e va a rosis la Madone ;
la plui biele che ciol su
je la puarte al so Gesù.

Le briciole del pane.

Il cibo.

Mange cun discrezion
e tu staràs benòn,
alze un pôc il bocâl
e tu tu staràs mal.

Quan' che no si à plui fam
no si sa ce fá dal pan ne dal salàm.

Cene curte, bon durmí.

Dut chel che si mange nol nudris,
ma dome chel che si digeris.